

東醫西寶鑑

卷二十一



訂正東醫寶鑑雜病篇卷之九

御醫忠勤貞亮扈聖功臣崇祿大夫陽平君臣許浚奉教撰

諸傷

金瘡傷

金瘡腸斷者視病淺深各有生處腸一頭見者不可連也若腹痛短氣不得飲食者大腸一日

半灰小腸一日灰腸兩頭見者可速續之先以鍼縷如法連續之斷腸便取雞冠血塗其際勿令氣泄即推納之但出不斷者作大麥粥取汁洗腸以潰納之且作粥清稍稍飲之二十餘日乃喫糜粥百日後乃可進飯病源○金瘡失血其人當苦渴然須忍之常令乾食可與肥脂之物以止其渴又不得多飲粥則血溢出殺人又忌嗔怒及大言笑動作勞力及食鹹酸熱酒熱羹輩皆使瘡痛衝發甚者即灰聖惠○凡金瘡及折傷不可飲冷水血見寒則凝入心即灰丹心



# 不治證

十不治證凡被傷入於肺者縱未即死二日難過○左脇下傷透內者○腸傷斷一半可

醫全斷不可治○小腹下傷內者○證候繁多者

○脉不實重者○老人左股壓碎者○傷破陰子

者○血出盡者○肩內耳後傷透於內者皆不必

用藥得效○凡金瘡傷天窻各穴眉角腦後臂裏跳

脉脾內陰股兩乳上下心鳩尾小腸及五藏六府

俞皆灰處又破腦出髓而不能語戴眼直視喉中

沸聲口急唾出兩手

妄舉皆不治聖惠

# 金瘡脉候

金瘡出血太多其脉虛細者生數實者死○

金瘡出血脉沈小者生浮大者死研刺出血

不至脉來大者七日死滑細者生脉經○金瘡出

血虛細則宜實大則傾得效○傷雖淺命脉虛促

可慮傷至重命脉和緩永無慮也○血出

甚者脉不要決大只要平正重實得效

# 腸肚傷治法

肚破腸出在外若腸全斷難醫不斷者  
可治○腸及肚皮破者麻縷為線或桑

白皮米茸爲線以花蕊石散付線上從裏縫之腸  
子則以清油熬活放入肚內乃縫肚皮不可縫外  
重皮留皮開用藥糝待生肉得效○傷破肚皮腸  
與脂膏俱出先用湯藥如活血散佛手散即芎歸  
湯與服用手擘去膏不妨此是開肉放心去之然  
後推腸入內用線縫之仍服通利藥勿令二便秘  
澁得效

## 金瘡先宜調血

大凡金瘡及折傷墜墮內損者必有  
瘀血傷積先宜逐去瘀血若血過

多則調養氣血爲主正傳○花蕊石散奪命散雞  
鳴散導滯散破血消痛湯復元活血湯皆可選用  
諸方

## 止血生肌合瘡藥

傷至重者海味中鹹白鯨成片鋪  
在傷處以帛扎定血立止得效○止

血收口方白膠香老松皮白芷血竭爲末付之單  
血竭末付之尤妙○黃丹滑石末付之夏月以薄



荷葉貼之一日一次以藥水湯洗得效。○金傷散  
糝付神效。集要。○金瘡血不止黃丹白礬為末糝  
之又下子蚕蛾燒灰付之。聖惠。○下蚕室瘡不合  
取所割勢火煨為末酒調服昔有一人自割其勢  
瘡久不合用此方  
不數日而愈。入門。

### 箭鏃及金刀中骨脉不出

白欬半夏等分為末每取  
一錢淡薑湯調服日三至

二十日自出

入門

○箭鏃及鍼入肉不出象牙屑

和水塗其上又螻蛄取汁頻塗又鼠腦塗之又好

磁石著其上  
自出。聖惠。

### 救急方

金瘡及諸傷重痛悶欲死取牛一隻剖腹納

其人于牛腹浸熱血中可甦如傷腹用血竭  
末醋湯調飲出血而愈或戰陣砲矢所傷血流滿

體氣貫胃膈悶絕者亦甦

入門

○傷重暈絕不省

入熱尿多灌即甦  
童尿尤好。丹心。

# 活血散

治刀鎗傷腹裂腸出者黃芪當歸川芎白芷續斷赤芍藥鹿茸黃芩細辛乾薑附子炮各

等分右為末每三錢溫

酒調服日三立驗 八門

# 花藥石散

治一切金刃斫傷及打撲損傷牛馬咬陽或至灰者急於傷處糝藥其血化為黃水

再服藥便活更不疼痛如藏府有瘀血內損煩悶欲灰服此藥則化為黃水或吐出或下泄出花藥石四兩硫黃一兩為末入瓦罐內鹽泥固濟晒乾安四方磚上以炭火從巳午時煨至經宿候冷取出研細每取一大匙童尿入酒煎熱調服入門一

# 奪命散

治金刃所傷及從高墮落水石壓損瘀血瘀積心腹疼痛二便不通水蛭以石灰拌炒焦五

錢大黃黑牽牛頭末各二兩右為末每取二錢熱酒調下過數時無效再用一服以下惡血為度效得

# 雞鳴散

治金刃傷打撲傷血瘀凝積煩悶欲絕大黃酒蒸五錢當歸尾三錢桃仁二七粒研右坐



作一貼酒煎雞鴨時服次目下  
瘀血即愈治折傷妙三四

### 導滯散

治傷損內有瘀血大便不通壅鬱欲死大黃  
一兩當歸二錢半麝香少許右為末每三錢

熱酒調

下聖惠

### 破血消痛湯

治傷損墮落惡血流於脇下痛楚不能  
轉側水蛭炒烟盡別研三錢柴胡連翹

當歸梢各二錢蘇木一錢半羌活防風桂皮各一  
錢麝香少許右除水蛭麝香外餘藥剉作一貼酒

水相半煎去滓入蛭麝調

服空心兩貼立愈東垣

### 復元活血湯

治同上大黃二錢半當歸一錢七分柴  
胡一錢半穿山甲炒研瓜蒌根各

一錢桃仁十箇為泥紅花五分右

剉作一貼酒水相半煎服實鑒

### 金傷散

治一切金瘡重午日早朝使四人各出四方  
枳州木莖葉各半把至日午時入石灰一斤

同搗極爛鑿大桑木三兩株作孔納藥實等以桑皮蔽之油調石灰密塗之勿令泄氣更以桑皮填固至九月九日午時取出陰乾百日  
搗羅為末如遇傷疹之神效御藥

# 單方

凡二十四種

## 新汲水

人被金瘡及損傷腸出以新汲泉水噴之令身際腸自入也本州

## 石灰

療金瘡甚良人為金刀所傷以石灰末裹之定痛止血神效。又石灰和雞子白火煨為末付

瘡宜差本州

## 葛根

療金瘡止痛為末付之又濃煎取汁服之本州

## 桑白皮

可以縫金瘡取生皮作線縫腹破腸出者唐安金藏剖腹用此法便愈。神仙刀箭藥妙

不可言桑葉為末乾糝之。金瘡止痛桑柴灰付之佳本州



東醫寶鑑卷之九  
四  
螻蛄

箭鏃在咽喉胃膈不出螻蛄搗取汁滴上三五度自出。鏃入肉不出螻蛄腦同硫黃研付覺

痒鏃自出本州

蜚蠊

箭鏃入骨不可拔微熬巴豆與蜚蠊同研勻塗傷處待極痒便撼動拔之立出後以生肌膏貼

之。出箭鏃方蜚蠊全者麝香少許同爲末撥動箭頭糝藥瘡內自出本州

旋葡根

即旋花根也合金瘡續斷筋取根搗汁滴瘡中滓封瘡上妙本州

象牙

主箭鏃及鏃入肉不出爲末和水付瘡上即出舊牙梳尤佳本州

蝙蝠

主金瘡出血內漏取二枚燒爲末每一錢和水服令一日服盡當下如水乃血消也本州

黑虱

主箭頭入肉不出取頭上黑虱及人牙齒同研塗之即出本州

蔥

治金瘡因驚出血不止取蔥炙熱按取汁付之血即止。金瘡中風水腫痛蔥莖葉煨研罾付立愈

本州

小麥

主腸出不下小麥五升水九升煮取四升去滓  
令極冷使人含喫瘡上又喫其背腸漸自入勿

令眾人  
見本州

石榴花

治金瘡血流不止石榴花和石  
灰搗為末糝之血便斷本州

壁錢

主金瘡血不止取  
汁點瘡上良本州

鼠腦肝

治箭鏃及鐵刀在咽喉曾隔諸隱處不  
出取生鼠腦及肝搗付之即出本州

紫檀香

治金瘡急刮紫檀末付  
之止血止痛至妙本州

血竭

療金瘡止血止痛生肌最妙刮  
屑付之但性急不可多用入門

琥珀

止血生肌令金瘡作末付之○中弩箭  
悶絕琥珀末一錢童尿調服妙本州



蛇含艸

主金瘡搗付之佳。又云蛇含膏連已斷之指。本丹

青蒿

生按付金瘡止血止。本丹

熟艾

搗金瘡止血止痛易合。或煎湯或熏烟亦好。俗方

小薊

主金瘡血不止。按葉封之。本丹

藍葉汁

金瘡血悶取藍汁飲之。本丹

車脂

鐵入肉不出取車軋脂攤紙上。二日一換三五次自出。本丹

顛撲墮落壓倒傷

凡墮壓久者急安好處以袖掩其口。鼻上一食頃候眼開先與熱小便飲

之若初覺氣絕急擘開口以熱小便灌之利去瘀血得效。卒墮顛壓倒打灰心頭溫者皆可救將

本人如僧打坐今一人將其頭髮控放低以半夏末或皂角末吹人鼻內如活卻以薑汁香油打今

綱目

灌之。○若取藥不及急扶開口以熱小便多

灌之。入門。

○人為刀斧所傷或墮落險地或撲身

體損傷筋骨皮肉皆出血不止或瘀血停積若夫

之不早則有入腹攻心之患。

醫鑒

○跌撲傷損須

用蘇木活血黃連降火白朮和中以童便煎服妙

傷在上宜飲韭汁。

丹心

○凡攣打壓傷或從高墮

落皆驚動四肢五藏必有惡血在內事怕惡心先

用通二便藥和童便服之立效大小腸俱通利則

自無煩悶攻心之患矣。

得效

○凡傷損專主血論

肝主血不問何經所傷惡血必歸於肝流於脇鬱

於腹而作脹痛實者下之宜通導散桃仁承氣湯

方見寒門

奪命散

方見上

○虛者復元活血湯

方見上

當歸鬚散調之

入門

○凡出血已多而又嘔

血不止者難治宜用蘇木煎湯調蚌霜散服之入

門

○諸傷疼痛宜乳香定痛散乳香散雙烏散尋

痛丸陣王丹補損當歸散

諸方

○蘇合香丸冷打

撲墮落挾驚悸氣血錯亂昏迷不省急取三五丸

溫酒童便調灌即甦。

方見氣門

○頭上有傷或打

破或金刃傷用藥潮角  
縛不使傷風慎之得效

### 通導散

治傷損極重大小便不通心腹脹悶宜用此  
下瘀血大黃芒硝各二錢當歸蘇木紅花桃

仁各一錢厚朴陳皮木通枳殼甘州各五分右剉  
作一貼水煎空心服醫鑒○一名大成湯醫林

### 當歸鬚散

治打撲損傷致氣凝血結胃腹脇痛當歸  
尾一錢半赤芍藥烏藥香附子蘇木各一

錢紅花八分桃仁七分桂皮六分甘州  
五分右剉作一貼酒水相半煎服入門

### 蚌霜散

治傷損大吐血蚌粉百州霜各等分  
右為末每二錢糯米飲調服入門

### 乳香定痛散

治諸傷損疼痛白芷當歸生芋牡丹皮  
赤芍藥川芎乳香沒藥白朮甘州各等

分右為末每二錢溫酒童便各半調勻  
服之入門○一名活血止痛散醫鑒

### 乳香散

治打撲傷損痛不可忍白朮炒當歸炒白芷  
桂皮乳香沒藥甘州各等分右為末每二錢



溫酒調  
下得效

# 雙鳥散

治諸傷百損久後時常疼痛者及新被傷作痛亦宜川烏艸烏略炮各三錢當歸白芍藥

蘇木大黃生乾地黃紅麴炒各五錢麝香少許右為末入瓦瓶以酒煮放冷服如覺麻痺無害但艸

烏生用恐太猛所以略炮

入門

# 尋通丸

治諸傷止痛清心行氣活血如神艸烏生用乳香火熨沒藥火熨五靈脂各三錢生麝香

少許右為末酒糊丸如指頭大朱砂為末每

得效

# 陣王丹

治諸折傷止血定痛大黃一兩石灰六兩右同炒紫色為度去火毒搗篩為末敷傷處妙

入門

# 補損當歸散

治墮撲折傷疼痛呌號服此藥不復大痛三日筋骨相連川芎二兩半桂心川

椒當歸甘艸各七錢半附子炮澤蘭各二錢  
半右為末每二錢溫酒調服效如神局方

# 打撲傷消腫滅癥

凡鬪毆被打成破傷風頭面腫大  
發熱以九味羌活湯方見寒門熱

服取汗外用杏仁搗爛入白麝少許新汲水調付

蒼上腫即消同春○治傷損腫痛瘀血流注紫黑

或傷眼上青黑不散大黃為末生薑汁調付患處

即消名將軍膏醫鑑○散被毆癥痕亦治跌撲麻

油清酒各一椀同煎數沸服之服了臥火燒熱地

上一夜痛止腫消無痕有被傷者仇家陰令術士

以此治之次日驗審了無一毫傷痕同春○打撲

傷肌膚青腫茄子種通黃極大者切作片瓦上焙

乾為末臨臥酒調二錢

服一夜消盡無痕聖惠

# 脉候及不治證

凡打撲損傷內有瘀血其脉堅強者生  
小弱者死脉經○打撲傷損去血過多

脉當虛細若得急疾大數者死醫鑑○凡折傷外

損筋骨者可治內損藏府裏膜及破陰子耳後者

並不治專上十不。如傷藏府一。致命處一觀其脉虛促危矣得效。

單方

凡十  
七種

蒲黃

治撲損瘀血在內煩悶蒲黃末三錢熱酒調下得效

白楊樹皮

治撲損瘀血痛不可忍取樹皮酒漬服之本州

生龜

治撲損跌折取血和酒飲之本州

蟾蜍

主治打撲踈折血在脇下堅滿痛取汁和酒服又研付傷處本州

鼠屎

治落傷筋骨痛不可忍取尿燒為末猪脂調急裹之不過半日愈本州

荷葉

治打撲落傷惡血攻心悶亂乾葉燒為末熟童尿調下二錢日三服本州

利下惡  
物綱目



胡桃

壓撲傷損胡桃肉搗爛和溫酒頓服便差本州

麻根

主打撲落傷腕折有瘀血痛不可忍取根及葉搗取汁飲或者煮服之非時則取乾麻煮汁飲本州

稻稈灰

治墮落撲損痛楚稻稈燒灰和糟酒淋灰取汁乘溫淋洗痛處立差本州

芥子

撲損瘀血作痛芥子和生薑研微煖塗貼患處即效本州

蔥白

治打撲傷損痛不可忍取蔥白入爐火煨乘熱擘開其中有涕便將罨損處冷則易熱者須更

痛定

本州○又蔥白砂糖等分爛

研付之痛立止且無瘀痕丹心

人尿

主撲損落傷瘀血攻心暈絕熱尿頓服一二升即甦童子尿尤佳本州

烏雞

被壓窄墮舟舠車轢馬踢牛觸胃腹破陷四肢摧折氣悶欲死烏雞一隻合毛柁一千下和苦

酒一升得所以新布搗病處取藥塗布上卷定乾則易覺寒振欲吐不可去藥須更復上一雞神效